

醫林纂要探源卷五目錄

方劑

寒部

桂枝湯

麻黃湯

桂麻各半湯

大青龍湯

小青龍湯

茯苓甘草湯

乾薑甘草湯

芍藥甘草湯

桂枝二越婢一湯

十棗湯

五苓散

再見

抵當湯

瓜蒂散

梔子豉湯

大黃黃連瀉心湯

附子瀉心湯

大陷胸湯

大陷胸丸

小陷胸湯

葛根黃連黃芩湯

桂枝加大黃湯

葛根湯

黃芩湯

升麻葛根湯

黃連湯

再見

白虎湯

大承氣湯

小承氣湯

調胃承氣湯

豬苓湯

桃仁承氣湯

茵陳湯

導法

代赭旋覆湯

竹葉石膏湯

吳茱萸湯

大柴胡湯

小柴胡湯

柴胡加芒硝湯

半夏瀉心湯

理中湯

大建中湯

小建中湯

桂枝加芍藥湯

四逆湯

乾薑附子湯

白通湯

白通加人溺豬膽汁湯

眞武湯

附子湯

四逆散

桃花湯

赤石脂禹餘糧湯

麻黃附子細辛湯

當歸四逆湯

烏梅丸

白頭翁湯

炙甘草湯

神朮散

白朮湯

九味羌活湯

再造散

大羌活湯

益元湯

四神丸

感應丸

導氣湯

荔枝散

凡六十八方

內再見二

風部

神朮散

葱豉湯

香蘇飲

參蘇飲

川芎茶調散

菊花茶調散

牽正散

改容膏

冰解散

普濟消毒飲

清震湯

朮附湯

甘草附子湯

越婢湯

防己黃芪湯

獨活湯

天麻丸

順風勻氣散

四君子加竹瀝湯

四物加竹瀝湯

胃風湯

東垣

胃風湯

易老

清室膏

通用痛風丸

蠲痺湯

史國公藥酒方

三生飲

稀涎散

星香散

大續命湯

小續命湯

侯氏黑散

風引湯

消風散

沈香天麻丸

如聖飲

凡三十六方

醫林纂要探源卷五

婺源汪

紱雙池輯後學

吳縣徐大彬子丹
吳縣吳大彬子丹
同邑程夢元
溧陽強汝諤莘原
元和管禮昌叔王
慈谿林頤山晉霞

同校字

方劑

寒部

寒淫於內。治以甘熱。佐以苦辛。以鹹瀉之。以辛潤之。以苦堅之。按治以甘熱者。以土勝水。以熱勝寒。此治邪也。又用鹹瀉辛潤苦堅。此則仍然治腎之法。以寒水同氣。乘於腎也。邪乘腎則有餘。故先言鹹瀉。而非補正。無以去邪。故卒言辛潤苦堅。此可知治法矣。然經為寒淫於內言也。而人身身陽也。邪來自外。陽必忿爭。故凡六淫之侵。必皆作熱。作熱者。吾身之陽。激於鬱耳。而能鬱陽者。莫寒為甚。欲使無鬱。則以辛潤為先。及夫展轉忿爭。釀亂益甚。則外來之寒。亦作為熱。且其入裏者。或不必外邪。

而卽吾忿憤之陽。卽皆無制之卒。至此則非寒淫。反成熱淫矣。是又宜鹹潤苦降。不得復執治以甘熱之言也。若乃內不勝外。展轉益深。則又寒熱交爭。又宜補正以安集之。非可以強力勝矣。至或本元虛弱。正不勝淫。則淫極於內。復爲清寒。所謂治以甘熱。佐以苦辛者。其在此也。亦有本體熱多。而熱邪因以入內者。此又宜於斂補其陰。治法固非一例。治寒之法。仲景一書爲詳。其方未能徧述。茲大約雜錄之。法可類推。

桂枝湯

景仲

治太陽中風。陽浮而陰弱。發熱頭痛。自汗惡風。惡寒鼻鳴乾嘔。及陽明病。脈遲汗出多者。微惡寒。表未解也。可發汗。按內經曰。傷寒一日。巨陽受之。太陽經脈循腰脊行頭項。故頭項痛。腰脊強。凡傷寒有頭痛。皆邪在太陽也。仲景著書。本論傷寒。而此言中風者。以傷在衛分爲陽。則以風言耳。冬月之風。要必挾寒。是風卽寒也。且傷寒中風。往往互言。惡風惡寒。亦往往兼舉。人而惡寒。則無風。且畏。况有風乎。乃區區置辨。

於傷寒傷風之異。而謂傷寒惡寒。傷風惡風。其皆謬見也。陽浮陰弱。謂診脈輕按見浮。而沈指則見弱。是衛分有邪。而榮分不能勝。况榮出而爭於衛分。則榮分益虛。邪正方爭。故熱大作。而腠理大開。腠理開則榮分之液自出矣。太陽經浮而在表。而衛分更在皮毛。皮毛又肺之合也。鼻為肺竅。邪干於肺。故鼻鳴乾嘔。陽明經本多汗。尚微惡寒。則太陽未解。已多汗矣。而又曰可發汗者。逐寒邪使從汗出也。

桂枝 三兩。當今一兩。○色赤入榮分。辛散能助陽氣。而除陰鬱。桂枝則能布散於肌表。故以此助榮氣。

而攻衛分之邪。此為君藥。**生薑** 三兩。○桂枝入榮分。挾以生薑。則偕之以出衛分。而寒邪可克。

芍藥 三兩。○酸斂以監制桂薑之辛散。使之怒而不暴。是為節制之師。且以斂過多之汗。以安集流散之

民也。**甘草** 二兩。炙。○當今六錢七分許。甘以補正。且緩桂薑之急。**大棗** 十二枚。○甘補

脾胃。脾胃者榮衛所由滋。邊境既有不甯。則內宜自強。治內乃可以攘外。故甘棗所以治內。又甘熱亦正所以

治寒也。**熱服。須臾啜稀熱粥。以助藥力。** 此更見補溫服。正之意矣。

覆取微汗。

使寒從而出。

不可令如水淋漓。

過多則重虛其榮。

汗出病

瘥。停後服。服一劑盡。病證猶在者。更作服。

寒之中人。自足太陽足太陽寒水。同氣相乘也。寒陰邪

在下。故中足經。太陽經最浮在表。寒自外入則先中之。

太陽經行於脊背頭項。故病則頭痛項痛而腰脊強。寒

外侵故惡風寒。

不必分傷風惡風。傷寒惡寒。

陽與爭故發熱。

吾身之氣血皆

也。寒棲衛分。侵猶淺也。

經脈所行曰榮。氣行於經隧之外。而為外衛者曰衛。邪在衛分

則未入榮分。故曰淺也。不必如寒戰於衛分。則腠理不

傷榮風傷衛之說。冬月之風即寒。

能固而熱作則津液流。此所以自汗也。外爭則脈

外寇

擾邊。守臣力弱。戰未能勝。居民流離。此時命將出師。必

得强有力者以救之。

後人只用羌活防風。恐未足以當克敵之選也。將以桂枝。

副以生薑。

後人用生薑。只用二三小片。謂之藥引。又安望其克敵。

節制之以芍藥。

芍藥非君。曰桂枝二。芍藥一。非能監之。亦參之。使輯和而不暴耳。

甘棗以和中。以强國。

本。非徒以行津液之說。

文武兼備。內外交飭。而外寇不足平矣。

此按

方又言陽明病。汗出多。微惡寒者。表未解也。可發汗。是此方固發汗者。然又曰無汗者不得用桂枝。汗多者桂枝湯。是此方又止汗者。夫桂枝之辛散。豈用以止汗者。汗多而用桂枝。亦以邪在衛分。而榮與之爭。故助榮分之陽。以去衛分之邪。邪去則榮衛平。而汗自止。非桂枝能止汗也。若無汗不得用桂枝云者。則以邪入已深。則衛分反為邪據。而榮汗不能出。若不大開其腠理。則邪無從出。而徒以辛熱加之。暴使正氣亦為陽邪。非治也。況此湯中有芍藥。則尤恐閉門而逐盜。故不可用此方。然而麻黃湯中。又何嘗不資桂枝之入榮分。以任祛寒之責乎。○本方加附子。名桂枝加附子湯。治太陽病發汗遂漏不止。惡風。小便難。四肢微急者。此為陽欲散於

上。而用附子以復其陽於下。本方加芍藥生薑各一兩。人參三兩。名桂枝新加湯。治傷寒汗後身痛。脈來沈遲者。此用芍藥爲君以斂陰。加人參大補其中。爲脈來沈遲。遲身痛而設。仍以薑桂去未出之邪也。本方加大黃。名桂枝加大黃湯。治表證誤下大實痛者。此表裏兼治也。本方加厚朴杏仁。治太陽病下之微喘。表未解者。此因氣逆而降其氣也。本方去芍藥生薑。名桂枝甘艸湯。治發汗過多。叉手捫心。心下悸欲得按者。此因津液已耗。而意重和中。本方去芍藥加附子。治傷寒八九日。風濕相搏。身體煩痛。不能轉側。不嘔不渴。脈浮虛而澀者。此因濕則不欲斂。而以附子之辛行其濕也。本方減甘艸一半。加芍藥一倍。名桂枝加芍藥湯。治太陽誤下太陰分而腹痛者。此因太陰受病。不欲其緩。而以芍藥和其陰也。本方去桂枝加白朮茯苓。治服桂枝湯或下之而頭仍痛。發熱無汗。心滿微痛。小便不利者。此因熱邪已傷肉。故不用桂枝而重和其中。且導其小水也。本方去芍藥生薑。加茯苓用甘瀾水煎。名茯苓桂枝甘艸大棗湯。治汗後臍下悸欲作奔豚者。汗爲心液。汗過心虛。腎水陵之。故加茯苓以甯心而滲腎邪。仍以桂枝益心血也。此皆仲景加減法。可以悟用藥之道。後世陶節菴乃

盡易仲景原方治法
雜亂而不可訓矣
又按桂枝麻黃二方皆補肝藥也

辛以補之甘以
緩之酸以瀉之
肝主發生之氣行命門之陽陽為寒淫

所遏而不得舒生意不遂矣故必用辛以暢遂之邪方

在太陽陰加陽上於象為夫陽必決陰佐以甘緩酸斂

則所謂健而悅決而和也澤決下下剛長乃終矣此如

透而邪退
氣血和也

麻黃湯

仲景

治傷寒太陽證邪氣在表發熱頭痛身痛腰痛骨節
痛項背強惡寒惡風無汗而喘脈浮而緊亦治太陽
陽明合病喘而胸滿按緊者陽為寒氣所束而不得
舒之脈脈浮而緊邪尚在表邪已束於經脈而脈緊
則榮分之津液不得外行故無汗也陽不得舒作熱
愈甚內迫於肺故喘陽明胃輸氣於肺陽明熱作則

肺受迫。故胸滿而喘。此不獨寒淫為邪。即吾身之陽。亦亂作而為熱邪矣。

麻黃

去節三兩。○當今一兩。○辛溫升散。輕虛上行。開微腠理。以通暢陽氣。本補肝而瀉肺之主藥。肺合

皮毛

太陽經行於表。亦在皮毛腠理之間。

桂枝

二兩

故欲祛太陽外束之寒。則以此為君藥。

今六錢七分。○

麻黃能開腠理行津液而助榮分之陽。以作其津液者。則仍藉桂枝之用。作其榮分。汗而發之。

使寒外出。亦猶鼓舞其士民。

杏仁

七十枚。去皮尖。○

以降逆氣。補之潤之。而去其喘也。

甘艸

一兩。○當今三錢三分。○

先

煮麻黃數沸。去沫。

此用生麻黃。不當以醋制。麻黃味薄。其汁難出。故宜先煮數沸。去其沫者。

恐濁沫足以滯其升散也。

納諸藥煎熱服。覆取微汗。中病即止。不必

盡劑。

慎之。恐過汗也。

無汗再服。

脈浮而緊。則寒傷榮分。寇已深矣。腠理之間。皆寒所據。

寒氣閉塞則汗不得出榮分已傷則不能汗而使之出

此所以熱鬱於內外不得泄則反成內亂熱燥肺金壯

火食氣此所以然寇由外作靖寇為先凡太陽病未除而兼有裏證者

亦必先治太陽故麻黃以解其圍以通其塞而窮逐之於外所

謂元戎十乘以先啟行而桂枝繼之以壯吾兵力以固

其守以為後勁固守謂固其榮分此克敵之師也此亦用桂枝可見桂枝本

作汗者非杏仁以潤肺降逆氣甘艸以和中杏仁去皮尖全非滋

止汗者此則所以安靖吾民而加之厚德此安內之道也

其發人見太陽傷寒則肺亦兼病遂疑傷寒傳足不傳手之

非通論抑思傷寒所傳六經本於內經而六經皆有見證此亦何足復疑而一方用兵近其地者必擾且朝廷亦為之焦勞而安得不俱受病然經自經腑臟自腑臟

須分別言之。如頭痛項強畏風寒發熱。此自是經病。不得謂爲膀胱病。肺逆而喘。自是肺兼受病。又不得謂爲手太陰經病。○本方除桂枝加石膏。名麻黃杏仁甘草石膏湯。治汗下後不可更行桂枝湯。汗出而喘無大熱者。按已汗已下。無大熱而喘。且汗出。此非復外閉之寒邪。而內熱之作。尚留於肺者。肺受熱則腠理不能閉。故汗出。麻黃之辛以瀉肺邪。杏仁甘苦以泄肺逆。甘艸以和胃氣。石膏以清肺熱。此端以治哮喘也。桂枝之辛熱不可用矣。麻黃本肺藥。可以去寒熱而不發汗。其有不當汗者。人喘證用麻黃。能去寒熱而不發汗。其有不當汗者。人白當臨證辨之。如陰虛者不可汗。尺脈遲者不可汗。咽便者不可汗。下利者不可汗。淋家不可汗。衄家亡血家不可汗。是也。

桂麻各半湯

景仲

治太陽證。如瘧狀。熱多寒少。按言太陽證。則頭痛項強。腰背皆痛之證。具在也。又言如瘧狀。則又寒熱往來也。寒熱往來。似少陽證。而非少陽者。無胸脅痛耳聾之變見也。非少陽而如瘧狀者。邪正爭於榮衛間。